

OINARRI BEREZIAK

GOI-MAILAKO GIZARATERATZE-TEKNIKARIA

1. Deialdiko plazak

Goi-mailako gizarteratze-teknikarien (C taldea, C1 titulazio-azpitaldea) berrogeita lau (44) plaza lehiaketa-oposizio sistemaren bidez betetzeko deialdia egiten da. III. hizkuntza-eskakizuna dute ezarrita, eta honela banatuta dago deialdia:

- Barne-sustapeneko txanda: hamabi (12) plaza, derrigorrezko III. hizkuntza-eskakizuna dutenak, eta bost (5) plaza derrigorrezkoa ez den III. hizkuntza-eskakizuna dutenak.
- Desgaitasuna dutenentzako barne-sustapeneko txanda: plaza bat (1), derrigorrezko III. hizkuntza-eskakizuna duena.
- Txanda askea: hamazazpi (17) plaza, derrigorrezko III. hizkuntza-eskakizuna dutenak eta lau (4) plaza derrigorrezkoa ez den III. Hizkuntza-eskakizuna dutenak.
- Desgaitasuna dutenentzako txanda askea: plaza bat (1), derrigorrezko III. hizkuntza-eskakizuna duena eta plaza bat (1), derrigorrezkoa ez den III. hizkuntza-eskakizuna duena.

Plazen deialdi honetan azaroaren 19ko 141/2013 Foru Dekretuan aipatzen den Generoaren Eraginaren Aurretiazko Ebaluazioari buruzko Txostena sartu da.

2. Titulazioa eta jatorriko plaza

Kontuan harturik zer ezartzen duten Enplegatu Publikoaren Oinarrizko Estatutuari buruzko Legearen testu bategina onesten duen 2015eko urriaren 30eko 5/2015 Legegintzako Errege Dekretuaren 76. artikulua zein hirugarren Xedapen Iragankorren 1. zenbakiak eta Euskal Funtzio Publikoari buruzko 1989ko uztailaren 6ko 6/1989 Legearen 43. artikulua, hauxe da eskatzen den titulazioa: goi-mailako gizarteratze-teknikariaren titulua edo baliokidea, Hezkuntza eta Zientzia Ministerioak emandakoa.

Kontuan harturik zer ezartzen duen 2015eko urriaren 30eko 5/2015 LEdek bere 3. Xedapen Iragankorrean, barne-sustapeneko txandaren bidez parte hartu nahi dutenek, eskatutako titulazioa izateaz gain, lan-kontratudun langile finko izan beharko dute, azpitaldeko plaza batean -C2- edo azpitalde bereko plaza batean -C1-. Halaber, jatorriko plazan zerbitzuan bi (2) urte beteta izan beharko dituzte, GUFeko lan-kontratudun langile finko legez.



3. Ariketak

3.1. OPOSIZIO-FASEA

Oposizio-faseak hiru (3) ariketa izango ditu. Lehenengo biak (2) nahitaezkoak eta baztertzailleak izango dira eta hirugarren ariketa nahitaezkoa eta baztertzaillea izango da derrigorrezko hizkuntza-eskakizuna duten plazetarako, eta borondatezkoa eta ez-baztertzaillea, aldiz, gainerako plazetarako.

Lehen eta bigarren ariketak egun berean egingo dira.

3.1.1. Lehen ariketa

Teorikoa izango da: 50 galderako test bat egin beharko da (gehi erreserbako 10 galdera), 90 minutuan. Lau erantzun eskainiko dira galderetan, baina haietariko bat bakarrik izango da zuzena. Ariketa eranskinetako gai guztiei buruzkoa izango da.

Barne-sustapeneko txandako hautagaiek lehenago eskatu zitzaizkien ezagutzak berriro egiazta ez ditzaten, hautagai horiek ez dituzte erantzun beharko gai-zerrendako I. zatia buruzko galderak, eta, ondorioz, proportzionalki murriztuko zaie ariketako galderak erantzuteko denbora.

3.1.2. Bigarren ariketa

Praktikoa izango da: idatziz, 45 galdera arteko test bat egin beharko da (gehi erreserbako 5 galdera), 90 minutuan gehienez. Zenbait erantzun eskainiko dira galderetan, baina haietariko bat bakarrik izango da zuzena. Ariketa hau erantsitako gai-zerrendako II. zatia buruzkoa izango da.

3.1.3. Hirugarren ariketa

Derrigorrezko hizkuntza-eskakizuna, nahitaezkoa eta baztertzaillea, ezarrita duten lanpostuei lotutako plazetara aurkezten diren hautagaiek maila horretako euskararen ezagutza frogatu eta egiaztatu beharko dute.

Derrigorrezkoa ez den III. hizkuntza-eskakizuna, borondatezkoa eta ez-baztertzaillea, ezarrita duten lanpostuei lotutako plazetara aurkezten diren hautagaiek maila horretako euskararen ezagutza frogatu eta egiaztatu beharko dute, hala badagokio.

GUFEn edo Bizkaiko Foru Aldundian hizkuntza-eskakizunen bat egiaztatuta dutenek ez dute berriro halakorik egiaztatu behar parte hartzen ari diren hautaketa-prozesuan, ez eta Euskara Tituluen eta Ziurtagirien Erregistro Bateratuan eskakizuna egiaztaturik ageri direnek ere.



Azken kasu horretan, parte-hartzaileak berariazko baimena emango dio GUFeri, erregistro horretan egiaztapena egin dezan.

Hala eta guztiz ere, euskararen egiaztagiria edo titulua aurkeztu beharko dute baldin eta erregistro horretan ez dagoen arren 2010eko azaroaren 9ko 297/2010 Dekretuarekin bat baliozkotuta badago; dekretu horren bitartez, euskararen jakite-maila egiaztatzen duten tituluak eta ziurtagiriak baliokidetu eta Hizkuntzen Europako Erreferentzia Marko Bateratuko mailekin parekatzen dira.

Euskaraz egindako ikasketa ofizialak aintzat hartzeko eta euskara-maila hizkuntza-tituluen eta ziurtagirien bidez egiaztatetik salbuesteko 2012ko apirilaren 3ko 47/2012 Dekretuaren babespean egiten dutenek, ikasketen ziurtagiriak aurkeztu beharko dituzte hizkuntza-eskakizunak egiaztatzeko.

3.2. LEHIAKETA

Lehiaketan, oposizioa gainditu duten hautagaiak aurkeztu eta egiaztatutako merezimenduak aztertu eta balioztatuko dira. Horretarako, hautagai bakoitzari merezimenduen baremoaren arabera dagozkion puntuak emango zaizkio.

Eskaera-orrian aipatutako merezimenduak egiaztatzeko dokumentazioa epaimahaiak, oposizio-faseko ariketa guztien kalifikazioa argitaratzeko, ateratzen duen iragarkian ezarritako epean aurkeztu beharko da.

4. Hautaketa-prozesuaren kalifikazioa

4.1. Lehiaketa-fasea

Merezimenduen baremoaren arabera emango dira puntuak, eta puntu horien batura izango da lehiaketa-fasearen kalifikazioa.

4.2. Oposizio-fasea

Lehenengo ariketari zero (0) eta hamar (10) puntu bitarteko kalifikazioa emango zaio, eta bost (5) puntu lortu ez dituzten hautagaiak berez geratuko dira baztertuta.

Bigarren ariketari zero (0) eta hamar (10) puntu bitarteko kalifikazioa emango zaio, eta bost (5) puntu lortu ez dituzten hautagaiak berez geratuko dira baztertuta.

Hirugarren ariketan, euskarari buruzkoan, «gai» edo «ez gai» kalifikazioa emango zaie derrigorrezko hizkuntza-eskakizuna duten plazak lortu nahi dituztenei.

Gainerako kasuetan, honako banaketa honen araberako kalifikazioa emango da, egiaztatutako maila kontuan hartuta:



- I. hizkuntza-eskakizuna: 1,5 puntu.
- II. hizkuntza-eskakizuna: 3 puntu.
- III. hizkuntza-eskakizuna: 4,75 puntu.

Hautagai bakoitzaren kalifikazioa Bizkaiko Foru Aldundiaren iragarki-oholean eta GUFEn web-orrian argitaratuko da, lortutako gainerako kalifikazioekin batera.

4.3. Amaiera

Hautagaien azken kalifikazioa hautaketa-prozesu osoan lortutako puntu guztien batura izango da.

I. ERANSKINA: MEREZIMENDUEN BAREMOA

1. Administrazio Publikoan goi-mailako gizarteratze-teknikari plaza batean (C taldea, C-1 titulazio-azpitaldea) egindako zerbitzuak, edozein harreman juridikoren menpean, salbu eta zerbitzu zibil edo merkataritzakoen errentamendu-kontratu bidezkoetan: 0,060 puntu hileko edo hilaren zatiki bakoitzeko, gehienez 11 puntu. Edozein kasutan, zerbitzua modu partzialean edo lanaldi murriztuan eman den aldi guztiak lanaldi osotzat hartuko dira.



II. ERANSKINA: GAI-ZERREDA

I. ZATIA: ZATI OROKORRA

1. gaia: Espainiako 1978ko Konstituzioa: oinarrizko eskubideak. Herritarren oinarrizko eskubide eta eginbeharrak. Ekonomia- eta gizarte-politikaren printzipio gidariak.

2. gaia: Euskal Herriaren Autonomia Estatutua: Euskal Herriaren eskumenak. Euskal Herriko botereak. Eusko Legebiltzarra. Lehendakaria. Eusko Jaurlaritza.

3. gaia: Azaroaren 25eko 27/1983 Legea, Autonomia Erkidego Osorako Erakundeen eta bertako Lurralde Historikoetako Foruzko Jardute-Erakundeen arteko harremanei buruzkoa: *I. Titulua: Autonomia Erkidego Osorako Erakundeen eta bertako Lurralde Historikoetako Foruzko Jardute-Erakundeen eskumenak.*

4. gaia: 3/1987 Foru Araua, otsailaren 13koa, Bizkaiko Lurralde Historikoko foru-erakundeen hautaketari, antolaketari, araubideari eta funtzionamenduari buruzkoa: *II. Titulua: Bizkaiko Gobernua eta Administrazioa. I. Kapituluak: Foru Aldundia eta III. Titulua: Batzar Nagusien eta Foru Aldundiaren harremanak.*

5. gaia: 4/2001 Foru Araua, maiatzaren 30ekoa, Bizkaiko Gizarte Urgazpenerako Foru Erakundearen estatutuak aldatzeari buruzkoa. *1. artikulua: izaera, sailkapena eta araubide juridikoa; 2. artikulua: helburuak eta eginkizunak; 3. artikulua: beharrezko egitura organikoa; 4. artikulua: gobernu Batzordea eta 5. artikulua: gobernu Batzordearen eskumenak.*

6. gaia: 39/2015 Legea, urriaren 1ekoa, Administrazio Publikoen Administrazio Prozedura Erkidearena. *Atariko titulua: xedapen orokorrak. I. titulua I. kapituluak 3. artikulua: jarduteko gaitasuna eta 4. artikulua: interesdunaren kontzeptua. IV. titulua: II. kapituluak: prozeduraren hasiera. 54. artikulua: hasiera motak.*

7. gaia: GUFEn egitura organikoaren erregelamendua: *I. titulua, I. kapituluak: eskumen-eremua. II. kapituluak: egitura organikoa. II. titulua. I. kapituluak: zuzendaritza- eta aginte-egitura.*

8. gaia: 86/1997 Dekretua, apirilaren 15ekoa, Euskal Autonomia Erkidegoko herri-administrazioetan euskararen erabilera normalizatzeko prozesua arautzen duena. *Lehenengo kapituluak: xedapen orokorrak. Bigarren kapituluak: lanpostuen hizkuntza-eskakizunak.*

9. gaia: Emakumeen eta Gizonen Berdintasunerako otsailaren 18ko 4/2005 Legea: *atariko Titulua. I. Titulua: eskumenak, eginkizunak, antolaketa eta finantzaketa. 4/2018 Foru Araua, ekainaren 20koa, Emakumeen eta Gizonen Berdintasunerakoa: atariko Titulua. II.*



Titulua: Bizkaiko Lurralde Historikoko Foru Sektore Publikoaren jardueran genero-ikuspegia txertatzeko neurriak (I. kapitulutik VIII. kapitulura).

10. gaia: 3/2018 Lege Organikoa, abenduaren 5koa, Datu Pertsonalak Babesteari eta Eskubide Digitalak Bermatzeari buruzkoa: *I., II. eta III. tituluak.*

11. gaia: 31/1995 Legea, azaroaren 8koa, Laneko Arriskuen Prebentzioari buruzkoa: *I. kapitulua. Xedea, aplikazio-eremua eta definizioak.* GUFEn lan-eremuan sexu-jazarpena eta sexuagatiko jazarpena prebenitzeko eta horiei aurre egiteko protokoloa.

II. ZATIA: ZATI BEREZIA

12. gaia: 12/2008 Legea, abenduaren 5koa, Gizarte Zerbitzuei buruzkoa. *I. Titulua: xedapen orokorrak (1. artikulutik 8.era).*

13. gaia: 39/2006 Legea, abenduaren 14koa, autonomia pertsonala sustatzeari eta mendetasun-egoeran dauden pertsonak zaintzeari buruzkoa. *Atariko titulua. Xedapen orokorrak. I. Titulua. III. Kapitulua. Mendekotasuna eta haren balorazioa. IV. Kapitulua: eskubidea aitortzea*

14. gaia: GUFeko Erabiltzaileen Arretarako Unitatea (GUFeko Gobernu Batzordearen Erabakia, 2005eko apirilaren 28koa).

15. gaia: 64/2004 Dekretua, apirilaren 6koa, Euskal Autonomia Erkidegoko gizarte-zerbitzuen erabiltzaileen eta profesionalen eskubide eta betebeharren gutuna eta iradokizunen eta kexen araubidea onartzen dituen.

16. gaia: Dibertsitate funtzionala duten pertsonak: kontzeptua, motak eta ezaugarri orokorrak. Behar fisikoak, psikologikoak, sozialak eta emozionalak.

17. gaia: Arreta Plan Individualizatua: helburuak eta ezaugarriak. Hura osatzen duten elementuak eta hura egiten esku hartzen duten profesionalak.

18. gaia: Dibertsitate funtzionala duen pertsonarengan oinarritutako arreta-eredua.

19. gaia: Asistentzia-politika. Dibertsitate funtzionala duten pertsonen arreta emateko jardunbide egokiak.

20. gaia: Adimen-desgaitasuna. Definizioa, sailkapena, esku hartzeko estrategiak, haien bizitza errazteko eta laguntzeko.

21. gaia: Desgaitasun fisikoa. Definizioa, ezaugarriak.



22. gaia: Espekto autistaren nahasmenduak. Definizioa, ezaugarriak eta jarduteko terapiak.

23. gaia: Haurren garun-paralisia. Definizioa, ezaugarriak.

24. gaia: Endekapenezko gaixotasun neurologikoak. Definizioa, ezaugarriak. Gizarteratzeko goi-mailako teknikariaren rola.

25. gaia: Desgaitasuna eta patologia psikiatrikoa. Sintomak. Maneiua.

26. gaia: Sexualitatea eta desgaitasuna. Kontzeptua. Esku hartzeko metodologia.

27. gaia: Hartutako kalte zerebrala. Definizioa eta ezaugarriak.

28. gaia: Ahozko hizkuntzaren nahasmenduak. Definizioa. Ezaugarriak. Komunikazio-sistema alternatiboak.

29. gaia: Dibertsitate funtzionala duten pertsonen gizarteratzea eta laneratzea. Kontzeptua. Programak.

30. gaia: Desgaitasuna eta zahartzea. Adimen-desgaitasuna duen pertsona bat zahartzeko prozesua. Babesak.

31. gaia: Dibertsitate funtzionala duen pertsonarekiko komunikazioa eta tratua. Ezaugarriak. Komunikazio-estrategiak.

32. gaia: Dibertsitate funtzionala duten pertsonen aisia eta denbora librea. Esku hartzeko programak.

33. gaia: Gizarteratzeko goi-mailako teknikaria eta aniztasun funtzionala duten pertsonen familiekin duen harremana. Harreman on baterako arauak.

34. gaia: Estimulazio multisentsoriala. Funtsezko printzipioak.

35. gaia: Jokabide-ohitura positiboak sustatzeko estrategiak.

36. gaia: Adimen-desgaitasuna duten pertsonen dolua. Definizioa. Motak. Etapak. Aurre egitea.

37. gaia: Eguneroko bizitzako oinarrizko jarduerak eta jarduera instrumentalak. Esku hartzeko programak.

38. gaia: Talde-lana. Koordinazio multiprofesionala. Jardunbide egokiak.



39. gaia: Buruko gaixotasuna duten pertsonak. Sintomatologia. Maneiua.

40. gaia: Lanaren plangintza. Metodoak. Ebaluazio-teknikak: hasierakoa, prozesuena, baliabideena eta emaitzena.